



**Sámi
allaskuvla**

OAHPPOPLÁNA

Davvisámegiela lohkanbadjeoahppu

30 oahppočuoggá

1. OAHPPOOVTTADAGA NAMMA

Sámegillii: Davvisámegiela lohkanbadjeohppu

Dárogillii: Nordsamisk semesteremne

Suomagillii: Pohjoissaamen lukukausiopinnot

Engelasgillii: Semester Course in North Sami Language

2. OPPALAŠ DIEĐUT OAHPU BIRRA

Oahppoovttadaga koda: DSALB

Viidodat: 30 oahppočuoggá

Dássi: Bachelor

Galli lohkanbaji badjel?: 1

Oahpu lágideapmi: Oahppu lágiduvvo ollesáiggeoahppun. Oahpahas leat fysalaš deaivvadeamit Sámi allaskuvllas, Guovdageainnus. Deaivvademiide ii leat vejolaš searvat neahta bokte. Deaivvademiid gaskkas studeanttat barget iešheanalis ja gulahallet gaskaneaset ja oahpaheddjiiguin luohká digitála oahppolanjas.

3. OAHPPOPROGRÁMMA GULLEVAŠVUOHTA

Oahppu ii leat oassin Sámi allaskuvlla oahppoprográmmain. Oahpuin sáhtta duodaštit sámegiela gelbbolašvuodagáibádusa eanaš Sámi allaskuvlla vuodđooahpuide (geahča dárkilat dieđuid oahpuid sisabeassangáibádusain).

4. SISABEASSANGÁIBÁDUSAT

Ohccis galgá leat davvisámegiela máhttu mii vástida Sámegiella praktihkalaš dilis – Álgooahppu 2. oassi oahppanjoksosiid.. Jus lea eahpesihkarvuolta man dási gelbbolašvuolta ohccis lea, de ášši ovddiduvvo fágalaš árvvoštallamii ja meannuduvvo dán vuodul.

Forskrift om opptak til høyere utdanning vuodul álgogurssaide ja lohkanbadjeohppui ii gáibiduvvo oppalaš lohkan gelbbolašvuolta jus ohccis lea sámegiela gullelašvuolta daid njuolggadusaid vuodul maid ášahus lea mearridan. Mearráduš guoská sidjiide geain lea sámegiela gullelašvuolta daid čuoggáid vuodul:

- Sápmelaš gii lea massán giela, ja gii háliida oahppat sámegiela, dahje
- Bargi almmolaš ášahus sámegiela guovllus gii háliida oahppat sámegiela, dahje
- Eará (omd. ohcci orru sámegiela bearrášis dahje sámegiela guovllus ja háliida oahppat sámegiela)

Ohccit galget čállit motivašuvdnareivve mas čilgejit guđe čuoggá vuodul ohcet oahpposaji.

5. OAHPAHUSGIELLA

Davvisámegiella.

6. SISDOALLU

Oahpu ulbmilin lea ahte studeanta háhká nu buori čálalaš ja njálmmálaš sáme giela máhtu, ja sáme giela teorehtalaš máhtu, ahte sáhtta oahpu maŋŋil álgit allaskuvlla- ja universitehtadási fágaoahpuide. Davvisámegiela lohkanbadjeoahpus studeanta oahpásnuvvá sáme giela giellaoahpa vuoddoássiide. Teakstalohkama bokte son oahpásnuvvá sámi čáppagirjjálašvuhtii ja áššeteavsttaide ja nanne iežas praktihkalaš ja teorehtalaš giellamáhtu.

Giellaoahppa:

- oahpásnuvvat sátneluohkáide, sojahanluohkáide ja sátneráhkadeapmái
- oahpásnuvvat cealkkatiippaide, váldo- ja oalgecealkagiidda, cealkkalahtuide ja cealkkačoavdimii

Teakstalohkan:

- guorahallat čáppagirjjálaš ja áššeteavsttaid sihke giela ja sisdoalu dáfus

Geavatlaš giellageavaheapmi:

- hárbhallat ságastallat beaivválaš ja fágalaš áššiid birra
- hárbhallat ovdanbuktit bargguid njálmmálaččat
- hárbhallat čállit iešguđetlágan teavsttaid
- oahpásnuvvat hupmangiela ja čállingiela erohusaide
- oahpásnuvvat giellagáhttema vuoddoássiide

7. OAHPANJOKSOSAT

Maŋŋel čađahuvvon oahpu, lea studeanta olahan čuovvovaš oahppanjoksosiid:

Diehtu:

Studeanta

- dovdá vearbaid ja nomeniid sojahanvuogádaga
- dovdá sátneráhkadeami váldoáššiid
- dovdá cealkkačoavdima váldoáššiid
- diehtá guovddáš sámi girječálliid ja sin deháleamos teavsttaid

Máhttu:

Studeanta

- máhtta hupmat njuovžilit sihke beaivválaš ja muhtun fágalaš áššiid birra
- ipmirda sihke iežas guovllu ja davvisámegiela váldohupmanguovlluid suopmaniid
- máhtta lohkat njuovžilit čáppagirjjálašvuoda teavsttaid ja áššeteavsttaid

- máhtta čállit čoahkkáigeasu čáppagirjjálaš teavsttas dahje áššeteavsttas, maid lea lohkan dahje gullan
- máhtta analyseret álkes sátnehámiid
- máhtta čoavdit álkes cealkagiid
- máhtta čilget njuovžilit iežas sániiguin dakkár čáppagirjjálaš dahje áššeteavstta sisdoalu, maid lea lohkan dahje gullan

Oppalaš gelbbolašvuohta:

Studeanta

- máhtta atnit sáme giela mánggalágan diliin sihke njálmmálaččat ja čálalaččat
- ipmirda mánggalágan njálmmálaš ja čálalaš teavsttaid
- máhtta giellaoahpa vuodđoáššiid
- dovdá sámi girjjálašvuodahistorjjá válđoáššiid

8. OAHPAHAN- JA OAHPPANVUOGIT

Logaldallamat, njálmmálaš ja čálalaš hárbjehusat, joavkobarggut, geatnegahtton barggut.

9. GÁIBÁDUSAT BEASSAT EKSÁMENII

Studeanta galgá leat ožžon dohkkehuvvot 20 geatnegahtton bargguin (čállošiid, hárbjehusaid ja/dahje eará čálalaš ja njálmmálaš bargguid) ovdal go beassá eksámenii. Geatnegahtton bargguid fáttát ja áigemearit sohppojuvvojit fágaoahpaheddjiiguin.

10. EKSÁMEN

Eksámenis leat guokte oasi, čálalaš ja njálmmálaš oassi:

1. Guđa (6) diimmu čálalaš eksámenis iskojuvvojit kandidáhta čálalaš giellamáhttu, čálalaš giela ipmárdus ja máhttu lohkanmeari birra.
2. Njálmmálaš eksámenis iskojuvvojit kandidáhta njálmmálaš giellamáhttu, njálmmálaš giela ipmárdus ja máhttu lohkanmeari birra. Njálmmálaš eksámen bistá sullii 30 minuhta.

Čálalaš eksámen galgá leat dohkkehuvvon ovdal go studeanta beassá njálmmálaš eksámenii. Čálalaš eksámen deaddá $\frac{2}{3}$ ja njálmmálaš eksámen $\frac{1}{3}$ loahpalaš árvosánis.

Eksámenat árvvoštallojuvvojit ECTS-vuogádaga mielde, mas A lea buoremus árvosátni ja E lea vuolimus ceavzinárvosátni. F-árvosátni mearkkaša, ahte ii leat ceavzán.

11. LEA GO PRIVATISTTAIN VEJOLAŠ VÁLDIT DÁN OAHPU?

Ii leat.

12. KVALITEHTASIIKKARASTIN

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis, ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágaraortta vuodul.